

Banminth

Pasta za pse

SASTAV

Svaki 1g paste sadrži:

Aktivna supstanca:

Pirantel (u obliku pirantel-embonata) 7,5mg

Pomoćne supstance:

Propilparaben
Metilparaben
Sorbitol (70% otopina)
Natrijev alginat
Koloidni silikagel
Destilovana voda

DJELOVANJE

Pirantel-embonat, aktivna tvar Banminth paste, je antihelmintik iz skupine tetrahidropirimidina. Djeluje protiv želučano-crijevnih nematoda u pasa. Snažan je agonist acetilkolinških receptora (rACh) na mišićnim stanicama nematoda te, poput neuromuskularnih blokatora, prekida prijenos podražaja sa živaca na mišiće. Mišićni tonus osjetljivih nematoda postupno se povećava i dugotrajno održava. Paralizirane nematode domaćin izbacuje crijevnom peristaltikom. Adultni nematodi pirantel unose preko probavnog trakta dok ga juvenilni stadiji kontinuirano resorbiraju preko cijele površine.

U preporučenoj dozi pirantel embonat je učinkovit protiv više od 90% odraslih i juvenilnih (L₄) stadija osjetljivih nematoda iz porodice Ascaridae i Ancylostomidae.

Pirantel-embonat je relativno netopiv u vodi te se iz želuca i crijeva ograničeno resorbira. Najveći dio pirantela (>90%), izluči se u nepromjenjenom obliku izmetom, a mala količina koja uđe u organizam (7%), odstranjuje se mokraćom u obliku izvodne molekule ili kao metabolit.

INDIKACIJE

Dehelmintizacija pasa invadiranih odraslim stadijima crijevnih nematoda: *Toxocara canis*, *Toxocara leonina*, *Uncinaria stenocephala*, *Ancylostoma caninum* i *Ancylostoma braziliensis*

KONTRAINDIKACIJE

Nisu poznate

OBLIK

Pasta

NAČIN PRIMJENE I DOZE

Banminth pasta za pse neutralnog je okusa, a daje se jednokratno p.o. Prije dehelmintizacije psima se ne mora uskratiti hrana.

Pasta se istisne izravno u usta, a štencima na sisi može se prstom nanijeti na nepce. Jednom rukom fiksira se glava psa, a vrh injektora stavi se u usni ugao iza gornjeg oćnjaka. Zatim se istisne odgovarajuća količina paste na jezik. Pasta se takođe može umiješati u hranu, no u tom slučaju to mora biti količina koju će pas odjedanput pojesti.

Jednokratna doza je 5mg pirantela/kg tjelesne mase (14,5 mg pirantel-embonata/kg).

Tuba

Doza iznosi 2cm paste/kg tjelesne mase.

Sadržaj tube od 10g dovoljan je za dehelmintizaciju psa od 15kg, a sadržaj tube od 24g za psa od 36kg.

Uobičajeni programi dehelmintizacije

- Štenad se prvi puta dehelmintizira u dobi od 2 sedmice, a potom svake 2 sedmice do dobi od 12 sedmica. Iza toga se dehelmintiziraju s razmakom svaka 2 mjeseca.

- Dojne kuje dehelmintiziraju se 2 sedmice nakon okota, a potom svake 2 sedmice do odbića štenadi. Taj program se provodi i kod kuja koje ne doje, te kod životinja kod kojih su štenad ranije odbijena.
- Psi stariji od 6 mjeseci dehelmintiziraju se 2-3 puta godišnje na temelju nalaza koprološke pretrage.

Postupak kada se utvrdi invazija nematodama

Ako se na osnovu kliničkih znakova eventualno posumnja na invaziju nematodama, a posebno ankilostomama ili se invazija potvrdi koprološkom pretragom, pse treba dehelmintizirati 2 puta s razmakom od 7 dana.

Najbolje je tretirati sve pse u uzgoju ili kućanstvu, a prilikom držanja psa umanjiti mogućnost onečišćenja njegovog okoliša i reinvazije.

Novonabavljena štenad

Vlasnicima se savjetuje da nabavljenu štenad od uzgajivača koji nisu provodili uobičajeni postupak dehelmintizacije tretiraju prema sljedećem programu: prvi put na dan kupovine i ponovo svake dvije sedmice do dobi od 12 sedmica. Zatim se provodi uobičajen postupak zaštite od parazita koji je primjeren dobi šteneta.

NUSPOJAVE

Vrlo rijetko mogu se javiti blagi probavni poremećaji.

NAPOMENA

Ne preporučuje se primjena Banminth paste za pse istodobno s piperazinom (umanjuje učinak pirantela) niti s organskim spojevima fosfora (inhibitori AchE) npr. Diazinon.

Pasta se može primjenjivati kod dojnih i gravidnih kuja.

Na primjene paste treba oprati ruke i sve dijelove tijela s kojim je ona došla u dodir.

KARENCA

Nije propisana jer se ovaj veterinarsko-medicinski pripravak ne daje životinjama koje se koriste za proizvodnju hrane

NAČIN ČUVANJA

Na tamnome mjestu, pri sobnoj temperaturi (do 25 °C) i izvan dosega djece.

NAČIN IZDAVANJA

Lijek se izdaje na veterinarski recept.

ROK UPOTREBE

Označen na ambalaži, u originalnoj ambalaži 3 godine.

PAKOVANJE

10 aluminijskih tuba s 10g paste

5 aluminijskih tuba s 24g paste

BROJ I DATUM RJEŠENJA

UP-I-06-2-24/17-397/15 od 18. marta 2015. godine

PROIZVOĐAČ

Zoetis Belgium S.A.

Rue Laid Burniat 1

Louvain-la-Neuve, Brabant Wallon

B-1348 Belgija

ZASTUPNIK

Expertus Solutio doo Sarajevo

Dobrinjska do br.27

71000 Sarajevo

Bosna i Hercegovina